



Concello de Vigo

**ACTA DA XUNTA DE GOBERNO LOCAL
Sesión do 01 de xuño de 2021 (1029/1102)**

ASISTENTES:

Membros :

D. Abel Caballero Álvarez
D. Francisco Javier Pardo Espiñeira
D^a Elena Espinosa Mangana
D^a M^a José Caride Estévez (online)
D. Carlos López Font (online)
D. Abel Losada Álvarez
D. Jaime Aneiros Pereira (online)
D^a Yolanda Aguiar Castro
D^a Patricia Rodríguez Calviño

NON ASISTEN:

D^a M^a Carmen Silva Rego

Na Casa do Concello de Vigo, ás trece horas do día un de xuño de dous mil vinte e un e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Aguiar Castro, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a titular do órgano de apoio á Xunta de Goberno Local, Sra. Campos Acuña, e o interventor xeral, Sr. Escariz Couso.

A Xunta de Goberno Local adopta os seguintes acordos:

1(451).- RATIFICACIÓN DA URXENCIA.

A Xunta de Goberno local ratifica a urxencia da sesión.

Antes do tratamento dos asuntos para a súa aprobación, pola Secretaría do Goberno Local recóllese declaración expresa dos membros da Xunta de Goberno Local presentes na sesión de non incorrer en posible conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

2(452).- EXPEDIENTE DE CONTRATACIÓN DO PATROCINIO PUBLICITARIO PARA A “XXII GRAN GALA DO DEPORTE DE VIGO E A SÚA COMARCA 2021” ORGANIZADA POLO FARO DE VIGO SAU. EXPTE. 18483/101.

Visto o informe xurídico de data 27/05/21 e o informe de fiscalización do 28/05/2021, dáse conta do informe-proposta de data 26/05/21, asinado pola xefa do Departamento Administrativo de Alcaldía, o xefe do Servizo de Deportes e pola concelleira-delegada de Xestión Municipal, que di o seguinte:

I.- Antecedentes

En base as consideracións que se conteñen no informe de necesidade e idoneidade e orde de inicio que consta no expediente, asinado con data 20 de maio de 2021 pola Xefa da unidade administrativa de Alcaldía e pola Concelleira delegada da Área de Contratación, Patrimonio e Xestión municipal, dispón que se inicie expediente administrativo para a execución dun contrato de patrocinio publicitario para a “XXII Gran gala do Deporte de Vigo e a súa Comarca 2021” organizada polo Faro de Vigo.

O contrato responde ao exercicio das competencias municipais na medida en que os artigos 25.1 e 25.2.l. da Lei 7/1985 de 2 de abril reguladora das Bases do Réxime Local, e artigos 80.1 e 80.2.n da lei de Galicia 5/1997 de 22 de xullo de Administración Local de Galicia, os municipios poderán promover e realizar actividades para proporcionar e difundir os valores sociais e culturais implícitos na acción do deporte.

No expediente tramitado inclúense os seguintes documentos:

- Informe de necesidade e idoneidade e orden de inicio asinado pola Xefa da unidade administrativa de Alcaldía e pola Concelleira delegada da Área de Contratación, Patrimonio e Xestión municipal asinada con data 20 de abril de 2021.
- Memoria económica do contrato asinada pola Xefa da unidade administrativa de Alcaldía e pola Concelleira delegada da Área de Contratación, Patrimonio e Xestión municipal con data 20 de abril de 2021
- Memoria xustificativa do contrato asinado con data 26 de maio de 2021 pola Xefa da unidade administrativa de Alcaldía e pola Concelleira delegada da Área de Contratación, Patrimonio e Xestión municipal,
- Prego de Prescricións técnicas particulares de data 26 de maio de 2021 asinado polo Xefe do Servizo de Deportes – Director deportivo
- Prego de Cláusulas administrativas Particulares, redactado pola técnica de administración xeral do Servizo de Contratación con data de 26 de maio de 2021.

Este contrato está incluído no Plan anual de contratación do Concello de Vigo para o exercicio 2021 por importe de 75.000 €.

II.- Condicións definitivas do contrato

II.1.- Obxecto e natureza do contrato

O obxecto do presente expediente contéplase no desenvolvemento das accións vinculadas a proposta de patrocinio publicitario da entidade Faro de Vigo S.A.U., editora do



Concello de Vigo

xornal "Faro de Vigo", ao Concello de Vigo con motivo da próxima celebración da "GRAN GALA DO DEPORTE DE VIGO E A SÚA COMARCA 2021", organizada polo Faro de Vigo e que de forma concreta se definen na cláusula 3ª do PPTP.

O expediente cualifícase de contrato de patrocinio publicitario de acordo co artigo 22 da vixente Lei Xeral de Publicidade, e se considera como un contrato privado, xa que o mesmo non ten cabida en ningún dos contratos recollidos no artigo 12 e seguintes da Lei 9/2017, de 8 de novembro, de Contratos do Sector Público.

En cumprimento do art. 28 da Lei 9/2017, de 8 de novembro, os aspectos relacionados coa natureza e extensión das necesidades que se pretenden cubrir mediante o presente contrato, así como da idoneidade do obxecto e contido, son os definidos no informe de necesidade, así como no do informe proposta que contén a memoria xustificativa do contido do contrato que constan no presente expediente, e consisten en satisfacer a necesidade pública de promover o deporte e promocionar e difundir a acción municipal en prol do seu fomento e dos seus valores sociais.

II.2.- Réxime xurídico e procedemento de adxudicación

Este contrato cualifícase como de patrocinio publicitario, de conformidade co disposto no artigo 22 da Lei 34/1988, de 11 de novembro, xeral de publicidade, e ten a consideración de contrato privado consonte ao disposto nos artigos 24 a 26 da LCSP.

Rexeráse, en canto á súa preparación e adxudicación, por esta lei e as súas disposicións de desenvolvemento, aplicándose supletoriamente as restantes normas de dereito administrativo ou, no seu caso, as normas de dereito privado, segundo corresponda por razón do suxeito ou entidade contratante. En canto aos seus efectos e extinción, rexeráse polo dereito privado.

O contrato adxudicarase conforme ao procedemento negociado sen publicidade, por canto, de acordo co artigo 168.a 2º LCSP, por motivos relacionados coa protección de dereitos de exclusiva o contrato só pode encomendarse a un empresario determinado, FARO DE VIGO S.A.U., que ten a exclusiva do evento.

A forma de tramitación do expediente será a ordinaria, conforme ao disposto no artigo 116 da LCSP.

II.3.- Prezo e valor do contrato

A proposta fundaméntase, entre outros aspectos, na identificación dos valores de identidade da propia Cidade a través dun aspecto de interese social e de carácter universal e transversal como é o deporte, xa que este proxecto ven a destacar o gran valor de Vigo como cidade acolledora de grandes eventos deportivos.

A proposta para o desenvolvemento do contrato de patrocinio publicitario co Concello de Vigo, para o proxecto do "GRAN GALA DO DEPORTE DE VIGO E A SÚA COMARCA 2021", establécese en 75.000,00 euros (ive incluído). O citado importe como orzamento base de licitación considérase adecuado en relación ó obxecto do contrato e a súa estimación, correspóndese favorablemente para o Concello de Vigo como Patrocinador, xa que polo

orçamento definido o Concello de Vigo non tería capacidade propia para o desenvolvemento do proxecto obxecto deste expediente.

En consecuencia, o prezo certo do contrato, en cumprimento do artigo 102 LCSP, estímase axeitado en base ao retorno que obtén este Concello na difusión da súa imaxe, como expoñente deportivo de primeiro orde, que lle permitirá alcanzar e desfrutar dun alto grao de notoriedade nos días previos e posteriores á Gala nas diferentes insercións e contrapestacións directas, ademáis de que a cuantificación das mesmas exceden amplamente a cantidade finalmente aboada co contrato.

O artigo 22 da Lei 34/1988, de 11 de novembro, Xeral de Publicidade, modificada pola Lei 29/2009, de 30 de decembro, pola que se modifica o réxime legal da competencia desleal e da publicidade para a mellora da protección dos consumidores e usuarios, define o contrato de patrocinio como: *«aquele contrato en que o patrocinado, a cambio de una ayuda económica para la realización de su actividad deportiva, benéfica, cultural científica o de otra índole, se compromete a colaborar en la publicidad del patrocinador»*, polo que neste contrato a CONTRAPRESTACIÓN concrétase no **retorno indirecto de carácter publicitario** para o Concello de Vigo que ascende a **305.270,90 € iva engadido**.

O prezo do contrato que servirá como base da negociación é dun total de 75.000,00 euros (iva incluído), sendo o importe do iva a cantidade de 13.016,53 euros.

O gasto terá unha imputación a aplicación orzamentaria 9120.2279905 (Programas Alcaldía) ou a súa bolsa de vinculación do vixente orzamento para o ano 2020, sen que afecte ao normal funcionamento de servizo.

O presente contrato está previsto no “Plan anual de contratación” para o ano 2021 da Alcaldía. Non existe na actualidade contrato vixente.

II.4 Aspectos do contrato obxecto de negociación

O artigo 170.2 da LCSP determina que no caso de que unicamente participe un candidato, o órgano de contratación, sempre e cando sexa posible, deberá negociar con el os termos do contrato.

Dada a natureza do obxecto do contrato, e dada a imposibilidade de negociar sobre as campañas de comunicación e as diferentes accións da Gala, o proceso de negociación versará unicamente sobre o prezo do contrato.

Pode considerarse que o prezo fixado no contrato é axustado, tendo en conta os cálculos dos custes e as referencias de tempadas pasadas detalladas na proposta presentada por FARO DE VIGO S.A.U..

O único criterio de adxudicación será a redución do prezo do contrato.

II.5 Revisión de prezos

Tendo en conta que o obxecto do contrato é do patrocinio publicitario sobre o desenvolvemento do acto da Gran Gala do deportes de Vigo e a súa Comarca 2021, que



Concello de Vigo

terá lugar nunha data determinada entre as partes, e atendendo a que a negociación se baseará no prezo do contrato non procede ningunha revisión do prezo.

II.6.- Esixencia de Clasificación

De acordo co artigo 77 da Lei 9/2017, non se esixe clasificación para este contrato.

II.7.- Subcontratación

Establécese como tarefa crítica todo o relacionado coa publicidade, que deberá correr a cargo de FARO DE VIGO, S.A.U. por ter os dereitos de exclusiva.

II.8.- Prazo de execución e prórroga:

Prazo de execución

O prazo de execución iniciarase o día seguinte ao da formalización do contrato e rematará 15 días despois da celebración da gala.

Prórroga

De acordo co obxecto do contrato, non se establece opción de prórroga.

II.9.- Modificación do contrato

Non se contempla.

II.10 Responsable do Contrato

Os responsables do Contrato serán, a xefa da unidade administrativa de Alcaldía e o Xefe do servizo de deportes-director deportivo.

II.11- Seguro

O Adxudicatario deberá acreditar a posesión dun seguro de responsabilidade civil, que dea cobertura as actuacións propias do adxudicatario na execución das obras obxecto deste contrato, cunha contía mínima de 300.000,00 €.

O adxudicatario, como organizador, responsabilízase da obtención dos permisos que sexan necesarios para a realización da gala .

O patrocinado asumirá a seguridade da Gala, implementando as medidas de seguridade precisas en relación ao control de aforo e ao COVID 19, así como establecendo os correspondentes plans de seguridade e evacuación.

II.12.- Condicións especiais de execución:

Establécese como condición especial de tipo social a adopción de medidas pola empresa adxudicataria que favorezan a conciliación da vida persoal, familiar e laboral das persoas adscritas á execución do contrato.

O cumprimento destas condicións especiais de execución poderán verificarse en calquera momento polo responsable do contrato, solicitando ao contratista a documentación que estime pertinente.

Para estes efectos, en todos os contratos, coa última factura, o contratista presentará unha memoria xustificativa deste cumprimento.

Todas as condicións especiais de execución que formen parte do contrato serán esixidas igualmente a todos os subcontratistas que participen da súa execución.

II.13.- Solvencia

- Solvencia económica e financeira:

Acreditarase mediante unha declaración do volume anual de negocios. Considerarase con solvencia económica e financeira aos licitadores cuxo volume anual de negocios, no ámbito do contrato, referido ao ano de maior volume de negocio dos tres últimos concluídos sexa, cando menos, igual ou superior ao valor estimado do contrato.

- Solvencia técnica e profesional:

Deberá achegarse unha declaración do empresario sobre os principais servizos ou traballos realizados de igual ou similar natureza que os que constitúen o obxecto do contrato en curso de, como máximo os tres últimos anos.

II.14- Cesión de datos e de dereitos de propiedade intelectual ou industrial ao adxudicatario

A execución do presente contrato non implica a cesión de datos nin de dereitos de propiedade intelectual ou industrial ao adxudicatario.

III.-PROPOSTA

Previamente a efectuarse a proposta ao órgano de contratación, debe emitirse o preceptivo informe xurídico pola Asesoría Xurídica (apartado 8 da disposición adicional 3ª da LCSP), así como informe de fiscalización pola Intervención Xeral, de conformidade co previsto no artigo 116.3 da LCSP.

Por todo o exposto propónse á Xunta de Goberno Local que adopte o seguinte acordo:

Primeiro.- Aprobar a contratación polo procedemento negociado sen publicidade, consonte ó disposto no artigo 168 da LCSP, para o contrato de patrocinio publicitario da “XXII GRAN



Concello de Vigo

GALA DO DEPORTE DE VIGO E A SUA COMARCA 2021”, a mercantil Faro de Vigo SAU, como organizador exclusivo da Gala.

Segundo.- Aprobar o Prego de prescricións técnicas particulares, redactado polo Xefe do Servizo de Deportes – Director deportivo, con data 26 de maio de 2021.

Terceiro.- Aprobar o Prego de cláusulas administrativas particulares, redactado pola Xefa do Servizo de Contratación con data de 26 de maio de 2021.

Cuarto.- Autorizar o gasto por importe máximo de base á negociación de dun total de 75.000,00 euros (ive incluído), sendo o importe do ive a cantidade de 13.016,53 euros .

· O gasto imputarase a aplicación orzamentaria 912.0.227.99.05 (Programas Alcaldía) ou a súa bolsa de vinculación.

· O valor estimado do contrato, de conformidade co disposto no artigo 101.1 LCSP, é de 61.983,47 €.

Quinto.- Abrir o procedemento licitador para selección do contratista na forma prevista na lexislación vixente de acordo o procedemento negociado sen publicidade.

Sexto.- Exceptuar de someter ao control da Mesa de Contratación o procedemento negociado sen publicidade por razón de ser un contrato privado non requiring ademais a consulta a ningunha outra empresa por ser un operador único, ao ser potestativa a súa constitución segundo artigo 326 da LCSP.

ACORDO

A Xunta de Goberno local aproba a proposta contida no precedente informe.

3(453).- PROPOSTA DE ADXUDICACIÓN NA CONTRATACIÓN DO SERVIZO DE ESTUDO PREVIO, REDACCIÓN DE PROXECTO, DIRECCIÓN FACULTATIVA E COORDINACIÓN DE SEGURIDADE E SAÚDE DAS OBRAS PARA A CONEXIÓN PEONIL ENTRE AS RÚAS SERAFÍN AVENDAÑO E VÍA NORTE. EXPTE. 827/441.

Visto o informe de fiscalización do 1/06/21, dáse conta do informe-proposta da mesma data, asinado pola xefa do Servizo de Contratación o xefe do Servizo Administrativo e de Control Orzamentario e a concelleira-delegada de Contratación, que di o seguinte:

LEXISLACIÓN APLICABLE

- Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014

- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)
- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento negociado sen publicidade para a contratación de servizos de redacción dun proxecto de conexión peonil entre as rúas Serafín Avendaño e Vía Norte no concello de Vigo (PCAP)

ANTECEDENTES

Primeiro.- A Xunta de Goberno local na sesión que tivo lugar o 18 de maio de 2021, adoptou o seguinte acordo:

*“Primeiro.- Aprobar o expediente de contratación a través de procedemento negociado sen publicidade do **SERVIZO DE ESTUDO PREVIO, REDACCIÓN DE PROXECTO, DIRECCIÓN FACULTATIVA E COORDINACIÓN DE SEGURIDADE E SAÚDE DAS OBRAS PARA A CONEXIÓN PEONIL ENTRE AS RÚAS SERAFÍN AVENDAÑO E VÍA NORTE NO CONCELLO DE VIGO.***

Segundo.- Aprobar o Prego de Prescricións Técnicas Particulares asinado pola Enxeñeira Industrial e polo Enxeñeiro de Camiños, Canais e Portos en data 24.03.2021.

Terceiro.- Aprobar o Prego de Cláusulas Administrativas Particulares que rexerá o contrato redactado pola Xefa do Servizo de Contrata en data 12.05.2021.

Cuarto.- Autorizar o gasto por importe total do expediente de contratación, que ascende a un importe máximo de **CATROCENTOS QUINCE MIL OITOCENTOS SESENTA EUROS con SESENTA E DOS CÉNTIMOS (415.860,62 €)**, sendo o importe correspondente ao **IVE de 72.174,16 €.**

Para o seo financiamento aplicaranse os créditos do orzamento do Concello de Vigo, na partida orzamentaria 1532.609.00.63 (Conexión peonil entre Serafín Avendaño e Vía Norte),segundo a distribución de anualidades proposta.

2021	186.35 0,51 €
2022	229.51 0,11 €
TOTAL	415.86 0,62 €

As diferentes anualidades imputaranse aos exercicios orzamentarios detallados, quedando o gasto subordinado ao crédito que para cada exercicio se consigne no orzamento, segundo o disposto no artigo 117.2 LCSP.

Quinto.- Para posibilitar a execución do proxecto, conforme á programación prevista e ás dispoñibilidades orzamentarias, modifícanse as porcentaxes de gastos



Concello de Vigo

establecidas para os importes plurianuais, en base ao disposto no artigo 174 do RDL 2/2004 de 5 de marzo que aproba o texto refundido da Lei de Facendas Locais, quedando establecido respecto ao previsto no presente exercicio para a segunda anualidade nun 123,16 %.

Sexto.- Abrir o procedemento de licitación para a selección do contratista na forma prevista na lexislación vixente.”.

Segundo.- O 19 de maio de 2021 o Servizo de Contratación cursou unha invitación para participar no citado procedemento a ARENAS ASOCIADOS INGENIERÍA DE DISEÑO, S.L.P., concedéndolle un prazo de 10 días hábiles para a presentación da correspondente oferta.

Terceiro.- O 28 de maio de 2021 ARENAS ASOCIADOS presentou a súa oferta a través da plataforma de Contratos do Sector Público, dentro do prazo concedido para os efectos.

Cuarto.- O 28 de maio de 2021, reúnense o xefe do Servizo Administrativo e Control Orzamentario caa xefa do Servizo de Contratación, co obxecto de abrir a oferta presentada polo licitador invitado a participar.

En primeiro lugar, cualificouse a documentación persoal, comprobándose a capacidade e solvencia do licitador, polo que se procedeu á apertura e procedeuse á apertura do sobre B “MATERIAS OBXECTO DE NEGOCIACIÓN”.

A continuación, deuse traslado da documentación do Sobre B ao servizo xestor para a súa valoración.

Quinto.- Con data do 31 de maio de 2021 o xefe do Servizo de Vías e Obras e Infraestruturas e o xefe do Servizo Administrativo e Control Orzamentario emitiron informe de análise da documentación do Sobre B con proposta de negociación sobre varios aspectos.

Sexto.- Con data do 1 de xuño de 2021 ASOCIADOS INGENIERÍA DE DISEÑO, S.L.P. presenta unha nova oferta, da que se dá traslado ao servizo xestor para a súa valoración.

Na mesma data, o xefe do Servizo de Vías e Obras e Infraestruturas e o xefe do Servizo Administrativo e Control Orzamentario emitiron informe no que propoñen dar por concluída a negociación.

Sétimo.- En cumprimento do previsto no apartado 7 da cláusula 14, concluída a negociación, reúnense o 1 de xuño de 2021 ás 13:00 horas a xefa do Servizo de Contratación e o xefe do Servizo Administrativo e Control Orzamentario para a apertura do sobre C “CRITERIOS DE ADXUDICACIÓN”.

Procedese a apertura do sobre C co seguinte resultado:

O licitador oferta unha redución do prezo de 0 % e unha redución de prazo de 15 días.

A continuación procedese a comprobación da existencia ou non de valores anormais. Comprobado que a oferta non contén valores anormais ou desproporcionados consonte ó

previsto na cláusula 16 do PCAP, se valoran os criterios avaliábeis mediante fórmula obtendo o licitador 15 puntos.

Comprobase que o licitador esta o corrente das súas obrigas tributarias e coa Seguridade Social.

Dado que o licitador xa achegou no sobre A a documentación xustificativa das circunstancias ás que se refiren as letras a e c do apartado 1 do artigo 140 da LCSP, e se considerou correcta, procede formular proposta de adxudicación a favor de ARENAS ASOCIADOS INGENIERÍA DE DISEÑO, S.L.P., sen necesidade de clasificar a oferta.

Constan no expediente os certificados acreditativos de que o licitador está ao corrente nas súas obrigas tributarias co Concello de Vigo, coa Axencia Tributaria Estatal e Autonómica, así como coa Seguridade Social.

FUNDAMENTOS XURÍDICOS

Primeiro.- A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante no prazo de quince días (artigo 151.1 LCSP).

Recibida tanto a documentación presentada polo licitador, ARENAS ASOCIADOS INGENIERÍA DE DISEÑO, S.L.P., como a solicitada de oficio pola Administración municipal e, comprobado que esta é correcta, procede adxudicar este contrato.

Segundo.- A competencia para formular a proposta de adxudicación ao órgano de contratación correspóndelle ao xefe do servizo xestor e á xefa do Servizo de Contratación ou persoas nas que deleguen. A proposta realizarase a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

Con relación á motivación desta adxudicación remitímonos á acta do 1 de xuño de 2021 de apertura e valoración do sobre C.

Terceiro.- A competencia para a resolución deste expediente correspóndelle á Xunta de Goberno local (apartado 4 da disposición adicional segunda da LCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

“Adxudicar a ARENAS ASOCIADOS INGENIERÍA DE DISEÑO, S.L.P., o procedemento negociado sen publicidade para a contratación procedemento negociado sen



Concello de Vigo

publicidade para a contratación de servizos de redacción dun proxecto de conexión peonil entre as rúas Serafín Avendaño e Vía Norte no concello de Vigo por un prezo total de 415.860,62 euros, sendo a cota correspondente ao IVE de 72.174,16 euros”.

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

ACORDO

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. Presidente rematou a sesión ás quince horas e cinco minutos. Como secretaria dou fe.

ME.

A CONCELLEIRA-SECRETARIA DA XUNTA DE GOBERNO LOCAL,
Yolanda Aguiar Castro.

O ALCALDE
Abel Caballero Álvarez